

P E N N I E L L

Volume XXII, Issue No. 15

25th October 2009

HRIATTIRNA

Vawiin inkawm ban hian Pu A Chhawn-mawia Inah PMCF Executive Meeting neih tur a ni a. Committee Member zawng zawngte kal vek tur a hriattir kan ni. Memberte hnen atanga agenda theh lut duh chuan Committee Member remchang hnenah inhriattir mai tur a ni.

November ni 8 a Mumbai tlawhna a kal turte chuan Secretary hnenah tun thla ral hma ngei a in report tur a ni.

Ni 31/10/2009 hian Marka Prayer Group te Prayer Meeting NI Siamite In Fatima Nagar (Big Bazaar bul)-ah neih tur a ni.

Hruaitu:NI.Lalrosiamia Ralte

Tantu: NI Vanlal-hruaizeli

Bible Study: Prof. Ravi Kant.

Ni 31/10/2009 hian Luka Prayer Group ten Prayer Meeting neih tur a ni.

A hmun;UBSPayer Hall Hruaitu; Pu Lalrinliana Tnatu ; NC Guite.

Games i/c; Pu Lalhming-mawia

Sharing nan a hun hman tur a ni.

THLAN RUAK

Chang thlan: Johana 20:13-15

Introduction: Lal Isua khan he khawvela rawng a bawl lai khan zirtir sawm leh pahnih a thlang a, chung mite chu an vaiin mipa an ni. Intipa the thaw tak an nia, mahse an zinga a hotupa ber Peteran Isua a phatsan tlat.

Hmanni khan Chanchin-buah Mari pian cham Roman Catholic hovin an lawm thu a rawn chhuah a.Hmeichhiate hian Bible ah pawh hian thuthlung hlui atang tawhin hmun an luah a, Jejobeli, Salomi, Estherite ang te hian a tha lam emaw a chhe lam emawin nghawng nasa tak an nei a ni. Tunlai khawvel ah pawh mi ropui tak tak, GoldaMeir te, Margareth Thatcher, Indira Gandhi te, Pratibha Patil ang te leh midang tam tak sawi sen loh kan nei a ni.

1.Isua leh Hmeichhia:Isua paitu kha hmeichhia a ni. Thiput a tihdam pawh hmeichhia bawk; Isua power kha ama power hmangin a va kai chhuak a , chumi aw-

mzia chu a rinna a nasa tihna a ni.Isua khan a free gift a pe a nilo, amah hmeichhia zawk khan a a hnuhin a va hnuk chhuak a ni.

2.Isua leh Mipa: Josepha khan a pa (Isua pa) a nihna ah engmah a thawh lo, mipa aiin hmeichhia in a thawh hlawk em? Josefa kha a awm mipa aiin a lo nem ru zawk a ni ma i t h e i em?

3. PMCF leh Hmeichhia: Zir-lai titha chawimawi zingah hmeichhia an tam tawh zawk. Ka thianpa pawn a fapa thuawih thaduh vak lo, intipa tak mai hi tihian a tihela a, "Mama hi chu I pa khawp mai, hmeichhe hrin pawh I ni lovang, mipa hrin zawk I ni ang", an ti chu a meng khup lup mai nia.

4.Luruh Hmun leh hmeichhia: Lal Isua an khenbeh na hmun Golgotha, Luruh hmunah khan mipa aiin hmeich-

Rosiamia

hian an tam zawk!

5. Johana 20:13:

Isua a thih a an phum hnu khan thlan lam pan khan Petera leh a thianpa khan thlan thlen hmasak inchuh khan an intlansiak a, thlan an thlenin a ruak si a. Thlan ruak an BIH!

Mari Magdalini erawh a beidawng ve hauh lo, a

NGHAK.(Jn 20:11)

A dawhtheihna leh tumruhna a vangin Isua a hnenah a in p u a n g H M A S A BER!

#E n g a t i n g e thlan chhungah khan Isua khan Mari kha a lo nghah ve mail loh? A chhan kan rin dan a inang kher awm love. Mahse thil chiang tak chu Khawvel opposite ah Isau a ding thin a ni(Jn 20:14)

#A chhan dang leh chu, he khawvel ropuina leh mawina ah hian Isua hi a awm lo. entirnan- jeans manto tak tak te, thawmhnaw branded to pui pui angah te hian etc.

#Keini buh tel lova puar thei lo hian hei hi kan ngaihtuah ngai em le-

VAWIIN AH
HIAN NAKIN
ATAN I THLAN
TIRUAK RAWH

Editorial

Mizote hi hnam inngaina tak kan ni a, kan awmna apiangah a theih hram chuan inhmuhkawm leh thil tih khawm kan tum hram thin. Pathian biak chungchangah pawh nise kan tlem emaw kan tam emaw pawh nise Inkhawm hi chu vai ram kilkhawr taka awmte pawhin kan tum tlang-pui vek thin a ni. Pune-ah pawh Fellowship te dinin hun rei tawh tak atangin Pathian nitin inkawmna mumal takin kan lo nei tawh thin a. Kan hruaitu kal tate an fakawm tak zet a ni. Hetianga kan inkawm hian kan nunah hlawkna min pe tak tak

em tih erawh chu chhut ngun a ngai hlein a hriat a ni. Engvangan nge Biak Inah kan kal thin, Pathian biak duhna tak tak thinlung pua kal nge kan nih kan tih dan phung pangngai a nih avangin kan kal ve mai mai zawk em ni? Anih loh leh kan thiante nen in hmuhna hun atan kan hmang zawk? Kan thawmhaw leh incheina pholanna atan leh intihnalhna hun atan kan duh tawk mai em ni? Pathian pawlna tak tak tel lo hian a behbawm velah hian kan duh tawk mai ang tih a hlauhawm hle a ni. Tin, Biak In chhung kan awm danah pawh fimkhur a ngai khawp mai. Mithenkhat Biak In chhung a ei tur, sahdah leh kutkha ei ching kana awm thin. Tin, Tawngtai

laia men ching kan awm bawk. Naupang ang mai a inzirtir rual kan ni tawh lo, sim vat chi a ni. Hei hian kan hruaitute kan zah lo tihna a ni lova, kan biak Pathian kan zak lo tihna a ni. Kan inkhawm kal hun leh thut dan thlengin zir tur kan va ngah em. Kan hruaituten vawi tam tak an sawi tawh a zawm vat a tha hle a ni. Kar khatah vawi khat chauh Pathian biak hona hun kan nei a, he hun hlu tak hi thlarau leh tisa a hlawk-taka kan hman tlan a pawimawh hle a. Chutiang tur chuan Amah pawlna thinlung pu a kan inkhawm thin ang u. Chuti lova a hming mai a kan inkawm a nih chuan Amah kan biakna hian kan titlawm zo dawn chung lo a ni.

Cont...

Hnungtawlh ngata a tuhtuten an tuh a ni. Chumi awmzia chu buh an tuh hian a hnung zawngin an tuh thin a, chutiang a an hnung zawng hlira an tuh rah chu keini hian kan lo seng tihna a ni. Isua hmangin I hnung tawlh chhuak ang u. Khawvel atangin rinnain I hnungtawlh ve ang u. Sam ziaktu chuan "I dante chu min hrih ang che, tichuan ka LA ANG". Isua hi I la ang u.

#Thlan ruak tel lovin Van Ram a luh theih loh. Isua lo kal hma a I thlan a ruah loh chuan I tan hma-bak a ko hle ang. I thih hnuah I thlan I tiruak thei tawh lo. Tunah tih ruah a ngai a ni.

VAWIIN AH HIAN NAKIN ATAN I THLAN TIRUAK RAWH

(He Sermon hi Pu Rosiama, Vice Chairman Sermon atanga lak a ni. Phal taka chhuah min phalsak avangin kan lawm hle. Ed.)

PMCF NEWS

Ni 17-19 Oct 2009 khan Wagh-wadi Church-ah Rev David Lalramliana Ralte Speaker a hmangin Crusade neih a ni. Hemi chhim hian kan member atangin mi 9 lai an kal.

Ni 17-20 chhung khan UBS ah Day of Challenge neih a ni a. Kan member atangin Alex Vanlalrem-siama leh R.K Laldinpuia te an tel. Hlawkthlak an ti hle.

Ni 12/10/2009 khan Johana Prayer Group ten Tv Roland-a te inah vawiina an special item atan a inpuahchah nan hla an zir. Hemi ni hian chaw ei hona an nei nghal bawk. Tin, nimin ni 24/10/2009 khan Nl Maliani tein ah Prayer Meeting an nei.

Nimin ni 24/10/2009 khan Luka Prayer Group ten Prayer Meeting Pu Hruaia te in UBS ah an nei.

Kan member Tv Lalpekhlua, Joseph John (JoJo) leh Israela Lal-

rinkima te an dam lo. Kan tawngtaina ah I hria ang u.

Kan Finance Secretary Pu Lalhmingmawia leh a chhungte Delhi lamah an zin. Vawiin hian Pune an lo let leh beisei a ni.

UBS zirlaiten kar hmasa khan an exam tuang takin an zo. Secular lam zirlai thenkhatte pawhin tun thla atang hian exam an nei tan ang.

PMCF Executive Member Pu Vabeizi chu hun rei tak Mizoram a a cham hnuin Pune a lo thleng leh ta.

Outreach sub Committee bul tum a thuhlungthar bu chhiat chuah thawh khatna chu zawh tep a ni a. Thawh hnihna pawh tan thuai tur a ni. Remsang hmasa berah List tih chhuah a ni ang.

"I awm dan tur chu LALPA chungah nghat la, Amah chu ring la aman a ti vek ang".

Ka kawchhungah hian thlarau dik tak siam thar lrh ang che.

✠October 23(Zirtawpni) zan atang khan Masihi Sangati Convention, vawi 26-na tan a ni a. Bungkawh leh Maubawh Bialin Bungkawh Kohhran Biak Inah an thleng ang.Masihi Sangati Convention-ah hian thupui atan 'I Pathian tawh turin in peih rawh' (Amosa 4:12) tih an hman ang. Rev. John Sharma, Hindi Bible School Principal chu Speaker hman a ni. Masihi Sangati Convention hi kum khat danah neih thin a ni a, kum 2007 khan an kum 25-na champha (Silver Jubilee) Zarkawh Biak Inah an lawm nghe nghe a ni. Kum hmasa lamah chuan Non-Mizo Convention tih thin a ni a, kumin hi an hming thlak hnuah Convention an neih hmasak ber tur a ni.

✠Vawin October 25 Pathian ni hman hian Mizoram Baptist Kohhran Area Baptist Council Inkhawmpui neih mek a ni. ABC Rorelna hian Pastor Bialhrang hrang atanga Assembly -a thu thehluh tura an rawn thlen te an ngaihtuah thin a. Tin, ABC huam chhunga Kohhran Upa

KOHRAN NEWS

Exam-a tling te Ordination Service neih a ni bawh ang. Kuminah hian Pastor Ordain tur hi ABC hrang hrangah mi 90 zet an awm a ni. BCM hi ABC 13-ah then a ni a, kuminah hian heng ABC te hian a rualin Inkhawmpui leh Rorel hmun hrang hrangah an nei a ni.

✠Asia-Pacific Baptist Youth Conference December 2009-a Hongkonga lo awm turah BCM chuan zaipawl tirh ve a tum a. Hei hi BCM Assembly Executive Committee, August 2009 chuan a pawmpui tawh a ni. Heta tan hian hian inpuahchahna tha tak leh sum tam tak mamawh a ni a, sum tuak nana fehchhuah programme leh inbuatsaihna kal zelah Lunglei khaw chhunga Kohhran thenkhat an tlawh kual mek a ni.

✠Thla hmasa October khan Assam-Bengal-a Boro Area- Hathi-jan khuah Boro Kristian rinawm tak Daudara Kohhrana

lawi Pu Ranjit Basumatari leh a unaute 2 chu Hindu hovin Kristian a nih avanga an khua atanga an hnawhah an vau a. Amah vautre hian Kristianna bansana, Hindu-a a kir leh loh chuan an in leh lo, leilet tihchhiat sak leh sawisak-ah te an vau a. Mahse Pu Ranjit-a te chuan Lal Isua chu an phatsan theih tawh loh thu leh engti kawng maha Hindu-a let leh tur chuan an khua-ah haw an tum loh thuin an chhang a ni. Tun thlengin an la haw leh ta lo a ni. October ni 4.2009 Sunday zan khan thil mak tak a thleng ta a, Daudara khua Gambura-(V/C.P)in Kristiante nekchep nana a hman ber Zir-lai Pawl hruaitupa In chu ram Saiin a chil chhiatsak ta vek mai a. Chu mai ni lovin Kristian te nekchep nana phusa ber te zinga mi pakhat pawh an choka(kitchen) chu Ram sai hian a suamsam chhe leh bawh a ni. He thil thleng hi Orissa-a thil thleng nen a in ang hle a. He ram sai hi khawi atanga lo kal nge, khawiah nge a kal leh tak tih tuman an hre lo a ni.

LOVE JIHAAD...

Hei hi *Love Aajkal* ani. 'Love is Blind' culture chi hran, dangdai tak ani. Muslim hote hmangaihna ralthuam pawimawh tak ani mek. Muslim tlangvalten sakhaw dang bia hmeichhia(nula) laka an hman ani a, an sakhua-in a sanction chu ani hauhlo, mahse an evangelism (mission strategy)chi khat, muslim ram zauh nana tih ani a, India leh khawvel ram tamtakah a hlawhtling ru viau mek. Muslim tlangval tupawhin he strategy hi an duh chuan an subscribe theia, mi ramah lehkha zirin emaw hna thawkin emaw an awma, hnamdang/sakhaw dang nulate an thi-

anthaah, an in ngaihzawn tira, chumi atana senso zawng zawng chu Agency-ten an tumsak veka, nula chuan neih a duh ngei theih nan nuamsa takin an siam phawt thin. An inneih kum 2/1 chhung zalen takin an awmtira, religious pressure an ti lang mai lo. Atawpawh chuan 'Purdah' system-ah an hruai luta, an tang ta der thin. Chhanchhuaktu an awmluh chuan tal chhuah a har em em tawh thin. Muslim sakhuaah hnim phum an ni ta tihna ani. Hei hi Muslim sakhua ram tihzauhnana silai, hriamhrei etc. hmanglova ram lakna thar

ngeiawm tak ani. Tun hnai maiah 'Love Jihaad' case 4000 dawn lai mai India hmun hrang hrangah report a awm an ti. Keini Isua Krista ringtute heng lakah hian I fimkhur ang u. Sum leh pai, nawmsak duhnaten heng thangah hian min hnuk lut palh hlau ang e. 'Mi ngaiha kawng dik ni awm taka lang,a tawp chu thihna kawng nisi a awm'(Thuf.14:12).

"Thih thlengin rinawmin lo awm rawh, tichuan nunna lal-lukhum ka pe ang che..."(Thupuan 2:10) tiin, this-ena min tlantu Isuan min chah lawm lawm kha !

PENIEL EDITORIAL BOARD

Paul Lalthuamsanga 9922689606
 Hmangaihzuala Pachuau 9730670481
 Lalnunfela 9970231904
 R.K. Vanlalhruaia 9921291368

ZAMZO MEGAZINE

Hun rei tak atang buaipui a nih hnuah Zamzo Megazine chu peih fel a ni ta. Nimin khan Spicer lamah chuan release a ni tawh a. Vawin hian City area lamah release tura ruahman a ni. A Hun a tih chhuah a nih hman loh avangin memberte hriatthiamna ngen kan ni.

Mizoram kohhran lian zual pakuate leh an member zat :

Kohhran Hming	Total	Male	Female
1 Mizoram Presbyterian Church	4,39,587	2,18,550	2,21,037
2 Baptist Church of Mizoram,	1,28,386	64,262	64,124
3 UPC (Northeast),	85,940	42,797	43,140
4 Salvation Army,	52,192	25,590	26,602
5 UPC (Mizoram),	41,036	20,530	20,506
6 Evangelical Church of Maraland,	35,126	17,599	17,527
7 Seventh-Day Adventists,	23,680	11,737	11,942
8 Lairam Isua Krista Baptists	23,535	11,583	11,952
9 Roman Catholic Church	20,480	10,500	9,980

Waghwadi Crusade Reports Tlangpui

A Hun : 17th – 19th Oct, 2009

A Hmun : Waghwadi Church

Speaker: Rev. David Lalramliana Ralte

Ni 17 Oct,2009 tlai khan kan Fellowship Vice Chairmain Pu Rosiama hovin member 8 te- Pi Ramengi(m/o Rev. David), Tv. Samuela(Samua), Tv. Valte-a, Tv. NC-a, Tv. Kapa(Dankawadi group), Tv. Ruata & Nl. Rebeki(Kondhwa) ten Rev. David-a chu tawiaawmin Waghwadi an zuk kala. Rawng-bawlina hlimawm tak an zuk nei thei ani.

TBZ Field leh Thawktute : Ambernath tia kan hriat thinah hian post 5 a awm meka, ringtu 130 vel awma chhut ani. Thawktute:1) Nowre Nagar(Ambernath E): Pu Laldingliana Sailo te chhungkua, 2) Badlapur: Nl. R Lalhlimawmi, 3) Waghwadi: Pu Ganesh Salve(h/o Pi Vantluangpuii)te chhungkua (Native worker), Pu R. Laltlanthanga te nupa, Tv. C. Lalnuntluanga, Nl. K. Lalrinsiami, Pu Vishal Kasture, 4) Ulasnagar: Rev Vanlalchhunga(Maharashtra Fld.Dir), Nl. Rebek Lalnuntluangi, Nl. Vanlaltanpuii, 5) Panvel: Pu Mohan Yewale(Native worker).

Waghwadi khua : hi Ambernath atanga hla vak lova awm ani a, ringtu chhungkaw 17 an awm mek. He khuaa ringtu hmasa, Pu Samson Wagh-a pa te, hmun dang atangin anlo pem luta, an chhungkua maite chuan rinna vuan tlat chungin he khua hi an din atih theih awme. A hnu-ah midangin hmun dang dang atangin an rawn bawh ve ta zela, tin a tu leh fate an lo pung ve zel bawka, hmun danga pem lovin chu hmunah chuan an in bengbel zui ve ta zel bawka. Tin pu Wagh-a chuan a ram then khat mi dang a pe-a, a then a hralh bawka. Tichuan, zawi zawin khua alo piang ta ani. Pu Samson-a pa hming ‘Wagh’ tih hming chawiin he khua hi ‘Waghwadi’(awmzia chu Wagh-hote chenna, khua etc) tih ani ta ani. Khaw lian lemlo, in 40 vel emaw chauh an la ni. Sakhaw hrang hrang bia an ni. Kristian, kohhran/pawl danga lawi te pawh an awm nual bawk. An khawsak a mawla, khaw inlungual tak tihtur chu an ni hranlo. Chanchin Tha ennaa tih en anla ngai hle mai.

Crusade Boruak A tha thawkhat hle a, inkhawmpawh kan tam thin viau. Zai a nuama, Waghwadi Kohhran memberte an fakawm hle. A pui apangin inkhawm an taima, thu sawi ngun takin an

ngaithla thina, muthlu an awm ngai meuh lo. Inkhawm tan hma in Pu Siama hovin tawngtaihona neih thin ani a, hei hi kan hlawkna tak pawh ani. Tlawhtute leh thawktute kan inpawh tha hle maia, kawng engkimah neitu chan min chantir thiam thina, an in ngaihtlawmna a ropui hle bawk. He crusade ah hian West Bengal Tv. Anukul Maiti-an Lal Isua chu Lal leh Chhandamtua pawmin Baptisma a changa, tin Sex Worker 2, an fate nen rawn hruai an ni bawka, Pathian thu ngun takin an ngaithla thin. Tihluhna avanga chu dinhmuna awm chu an ni a, chhantu an ngai vawng vawng, tawngtaipui an ngai!! Thawktute inpekna leh Waghwadi ringtute nun atangin zirtur atam hle. Mizote min lo ngaina thiamin, min ngaisang derve hle. Hei hi thawktu te thawh rah ani. Fellowship memberten minlo tawngtaipui thin avangin a feh chhuakten member zawng zawng chungah lawmthu kan sawia, kan thawhhona Pathianin malsawm ngei ang.

“Buhsegtur erawh ala tam, sengtu tur an tlem, ni a en chungin kan thawk tur ani si a”.